



SERVISIO PA INFORMASHON DI GOBIERNU DI KORSOU

Komunikado di prensa

16 polis i polis ekstraordinario a huramentá serka Minister Wilsoe

WILLEMSTAD - Un kantidat di 16 persona a huramentá djabièrnè mèrdia serka minister di Hustisia, sr. Elmer Wilsoe.. Ta trata di 8 persona ku a sigui nan estudio na Skol di polis, 2 ku a keda huramentá komo 'executieve politieambtenaar' i 6 komo polis ekstraordinario. E akto di huramentashon a tuma lugá den presensia di vários alto-funshonario di polis i den presensia di representantenan di tur 3 sindikato, esta NAPB, SPA i ABVO.

Minister Wilsoe, na prinsipio di e akto seremonial, tabata tin vários mensahe pa e grupo ku mester a huramentá. “Mi ta urgí boso pa duna kontenido na boso trabou. Sirbi boso komunidat. Sirbi, sirbi, sirbi i sirbi ! E unifòrm i strepinan no ta duna boso niun outoridat. E unifòrm ta duna boso responsabilidat. Duna rèspèt pa boso haña rèspèt. Traha duru i haña konfiansa den komunidat. Ora boso a bira amigu ku komunidat, i a sirbi komo debe ser, e ora ei numa boso ta bira polis. E akto di huramentashon aki ta djies un seremonia. Gana konfiansa den boso komunidat”, asina Minister Wilsoe a bisa.

E polisnan ku a huramentá ta: Albarick Bentura, Dierseu Constancia, Fitzgerald Hooi, Quintin Craanberg, Jonathan Duncan, Michel-Angelo Gomez, Rudney Martina i Rosiel Windster. E ‘executieve politie-abmtenaar’ ku a huramentá ta Humphrey Barbara i Albert Beaumont miéntras ku e polisnan ekstraordinario a bira Irene Gabriel, Hendrik Plantijn, Yvette Rosa, Eithel Geertruida, Ruthlina Nicia, Carmen Nicolaas, Maikel Kalmez i Kennedy Martha.

Na final di e seremonia, Minister Wilsoe a dirigí su mes na Komisario di Polis, sr. Marlon Wernet: “Kuerpo di polis a haña mas polis aserka. Hasi bon uso di nan. Kuida nan bon”, di akuerdo ku Minister Wilsoe na su despacho na Departamentu di hustisia riba Wilhelminaplein na unda e seremonia impreshonante i emoshonante a tuma lugá.

Willemstad, 21 yanüari 2011